



**Siverth K. Heilmann**

**30. 09. 2019**

**Atassut**

**UKA 2019/147-1**

**Uunga siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq. (Meeqqat illersuisuat aamma Meeqqat pillugit Siunnersuisoqatigiit ilaasortaasa piffissamik toqqagaaffianik allannguineq)**

(Peqqissutsimut, Isumaginninnermut Inatsisinillu atuutsitsinnermut Naalakkersuisoq)

Meeqqat illersuisuat aamma Meeqqat pillugit Siunnersuisooqatigiit pillugit Inatsisartut inatsisaata allanngortinneqarnisaanik Naalakkersuisut saqqummiussaqaqnerat imatut naatsumik Atassut-miit oqaaseqarfigissavarput.

Meeqqat illersuisuat aammalu Meeqqat pillugit Siunnersuisoqatigiit sullitaminnut sullissilluarnarat saqqumilaarnarat il il assorujussuaq Atassut-miit nersorlugillu qujaffigerusuppagut.

Sumiluunniit atorfeqartitaq siunnersuisooqatigiinniluunniit aallartitaasut maanaannakkut tunuarniassagaluarpata ataannarnissaanut pinngitsaalisinnaanngilagut, taamaattorli Naalakkersuisut ukiuni pingasuniit sisamanut sivitsorniarneqarnerannut inatsisartunut inassutigisaat Atassutip tamakkiisumik taperserpaa.

Taamak naatsumik oqaaseqarluta inassutigissavarput suliaq taamatut isikkoqarluni aappassaaneerneqassasoq kisianni soorunami amerlanerussuteqartuniik ataatsimiititaliamut inassutigineqassarpaa aamma Atassut-miit ammaffigaarput.

Qujanaq.